



Inatsisartunut ilaasortaq Mikivsuk Thomassen, Inuit Ataqtigiit

Ugguuna nassiunneqartoq: [inatsisartut@inatsisartut.gl](mailto:inatsisartut@inatsisartut.gl)

**§ 37 tunngavigalugu Qaanaami puisit amiinik tunitsiveqarnermut  
tunngatillugu apeqquteqaammut akissuteqaat**

28-11-2018  
Sagsnr. 2018-1132

Inatsisartut suleriaasianni § 37, imm. 1 naapertorlugu apeqquteqaateqarputit Naalakkersuisunut, Qaanaami puisit amiinik tunisisarneq pillugu. Apeqqutitit uannut akisassanngorlugit innersuunneqarsimapput, akissuteqaatikka ataani atuarsinnaavatit.

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

**Apeqqut 1:**

**Qaanaami Nunaqarfiinilu puisit amiinik tunitsiviit tunisiffissaajunnaartar-  
nerat iliuuseqarfiginiarneqarpa?**

**Akissut:**

Qaanaami puisit amiinik tunitsivimmi tunisanik tigooraasoqannginnera pissutigalugu Kalaallit Nunaata Ammeriviata A/S-ip tunitsivini matusariaqarsimavaa. Ingerlatseqatigiiffik Qeqertani aamma Savissivimmi tunitsiveqarpoq. Ingerlatseqatigiiffiullu eqeersimaartumik Qaanaami tunisanik tigooraavik inuttassarsiorpaa aamma KNAPK-p attaveqaatai aqqutigalugit. Ingerlatseqatigiiffik Qaanaami puisit amiinik tunitsivimmi tunisanik tigoorasussamik nassaareerpat periarfissaaleqqissaaq puisit amiinik tunisisarnissaq.

**Apeqqut 2:**

**Puisit amiisa tunisaanerat ukiuni arlaqalersuni ajornartorsiutaanerat  
naalakkersuinikkut iliuuseqarfigineqassava?**

**Akissut:**

Naalakkersuisut aamma Kalaallit Nunaata Ammeriviata A/S-ip akornanni kiffartuussinermit isumaqatigiisummi aalajangersarneqarput puisit amiinik 2018-imi tunitsiviit 36-it. Naalakkersuisut piffissami matumani Kalaallit Nunaata Ammerivia A/S-imut aamma KNAPK-mut kiffartuussinermit isumaqatigiisutissamik isumaqatigiinniuteqarpoq, 2019-imi tunitsivinnik amerlanerusunik ammaasinnaaneq siunertaralugu.

### Apeqquut 3:

#### Qaanaami nunaqarfiinilu puisit amiisa tuninerani nalikilliinikuunerat misissuiffiqineqarnissaa pilersaarutaava?

##### Akissut:

Naalakkersuisut aamma Kalaallit Nunaata Ammerivia A/S-ip akornanni kiffartuussinermut isumaqatigiissummi aalajangersarneqartarput puisit amiinik pisinermut akiliutissat, Kalaallit Nunaata Ammerivia A/S-ip tunitsiviini tamani atortinneqartussat.

Tunisinermi akiusunut agguaqatigiissillugu natsernut aamma aataanut tapiissutaasartut 2018-imi qaffanneqarput, 2017-imut sanilliullugit, tamannalu siunertaqarsimalluni piniartut puisit amiinik amerlanerusunik tunisaqartalernissaannik.

2018-imi tunisinermi akiusunut tapiissutit uani ataani tabelimi takusineqarsinnaapput.

Ammit amerlassusaat	Natserup amianut 70 cm-imit minnerusumut ataatsimut tunisinermit tapiissut	Natserup amianut 70 cm-imit annerusumut ataatsimut tunisinermit tapiissut	Aataap amianut ataatsimut tunisinermit tapiissut
0-100	250	250	350
101-200	250	275	400
201+	250	300	450

Tunisinermi tapiissutit 2017-imoortut uani ataani tabelimi takuneqarsinnaapput.

	Natseq < 70 cm	Natseq > 70 cm	Aataaq
Amermut ataatsimut tunisinermit tapiissut kr.	200	250	351

Naalakkersuisut piffissami matumani Kalaallit Nunaata Ammerivia A/S-imut aamma KNAPK-mut isumaqatigiinniarput kiffartuussinermut isumaqatigiissutissamik, tamatumani aamma 2019-imi tunisinermi tapiissutit annertussusissaannik.

### Apeqquut 4:

#### Tunitsiveqarniarnikkut ajornartorneq ukiut tamaasa atugaalersimasooq aaqqiissuteqartoqarnissaanik anguniagaqartoqarpa?

**a. Apeqquut aappiuppat; suut anguniarneqarpat?**

**b. Apeqquut naamiuppat; tamanna sumit tunngeqarpa?**

**Akissut:**

2018-imi qaammatini qulini siullerni natsiit amiinik tunusineq siuariarfiusimavoq. Natsiit amiinik tunisisarneq qaffariaateqarsimavoq 7.250-it missaanniit piffissami 2017-imi januar – oktoberimi, ammit 9.040-ut missaannut piffissami tassani ukioq manna 2018-imi. Tamatuma assigaa qaffariaat 25 % -it missaanniittoq. Aataat amiisa tunisaanerat piffissami januarimiit oktoberimut 2018 amerimik 9.960 missaanik amerlassuseqarluni, ukiumut siulianut taamaaqatigiinnapjaarlugu.

Naalakkersuisut KNAPK aamma Kalaallit Nunaata Ammerivia A/S maannakkut kiffartuussinissamut isumaqatigiissut 2019-imoortoq isumaqatiginninniarsutigivaat, tamatumani siunertaalluni piniartut pitsaasumik atugassaqartinnissaat qulakkeerniarlugu. Naalakkersuisut oqaloqatiginnerusupput atugassaqartitaasut suli pitsaanerulertinniarlugit, tamatumunnga aningaasaliissuteqartoqarsinnaassappat.

Inussiarnersumik inuulluaqqusillunga

Med venlig hilsen



Aqqalu Jerimiassen